



## VI Concurso de Fotografía “Ponte Verde!”

Europe Direct A Coruña e Europe Direct Lugo, centros oficiais de información da Comisión Europea, convidan as persoas residentes en Galicia maiores de idade a participar no **VI Concurso de Fotografía Cidadáns Europeos en Galicia**.

En 2018 a Unión Europea prohibiu a entrega gratuíta de bolsas de plástico aos consumidores e en breve serán eliminados os plásticos dun só uso como palliña, axitadores de bebidas ou paus para globos. Ademais, cada ano prodúcense entre 7.000 e 10.000 toneladas de residuos en todo o mundo. Uns residuos ben xestionados non só non son unha fonte de contaminación, senón que poden ser unha valiosa fonte de materias primas, sobre todo das que escasean. É certo que cada vez somos máis conscientes dos residuos que xeramos, o que nos levou a adoptar pequenos cambios no noso día a día para reducilos e facer un uso máis responsable dos recursos. Por ese motivo, o lema do concurso é **“Ponte Verde!”**.

**Que hábitos ecolóxicos adoptaches no teu día a día?** Envíanos a túa fotografía e comparte connosco como “pos verde” a túa vida cotiá.

**PARTICIPA neste concurso e GAÑA un fantástico premio!!**



### **BASES DO CONCURSO**

#### **1. Organización**

Europe Direct A Coruña e Europe Direct Lugo (de agora en diante **“os organizadores”**) convocan o sexto concurso de fotografía baixo o lema **“Ponte Verde!”** (de agora en diante **“o Concurso”**) a través da páxina de Facebook creada para tal fin en <https://www.facebook.com/concursociudadanoseuropeosengalicia>



## 2. Participantes

Poderán participar as persoas residentes en Galicia maiores de 18 anos que se animen a desafiar o obxectivo da súa cámara.

## 3. Tema

O lema do concurso é **“Ponte Verde!”** co obxectivo de dar visibilidade aos distintos hábitos ecolóxicos que adoptamos na nosa vida diaria.

**Lembra que** os hábitos ecolóxicos poden referirse a:

- Reciclaixe: converter refugallos en novos produtos para a súa reutilización.
- Conservación ambiental: protección da natureza, conservación das especies de fauna e flora, dos ecosistemas e das paisaxes
- Reutilización: volver utilizar os produtos refugados e darlles un uso distinto para o que foron concibidos.
- Uso de produtos elaborados con materiais alternativos: recorrer a produtos elaborados con materiais distintos aos tradicionais.

A continuación, figuran algunhas ideas sobre os temas que podes reflectir na túa fotografía, pero non esquezas que hai moitos máis:

- Envases reconvertidos en macetas, bebedoiros para paxaros,...
- Novos usos para as pezas de roupa vellas, os Cd, ...
- Novos hábitos dirixidos a reducir o uso de plásticos: usar bolsas de tea ou o tradicional carro da compra, comprar produtos a granel ...
- Alternativas sinxelas a obxectos tradicionalmente elaborados con materiais non sustentables: cepillos de dentes de bambú, fiambreiras de vidro ou metal ...

Utilizarase o hashtag **#PonteVerde**

## 4. Número de fotos

Cada participante poderá presentar unha ou varias fotografías ou un ou varias montaxes de fotografías. A fotografía ou fotografías serán orixinais, únicas e inéditas. Esta(s) fotografía(s) poderá(n) ser tomada(s) con cámara dixital, móbil ou outro dispositivo electrónico.

No caso de que nas fotografías aparezan imaxes que permitan a identificación das persoas que nelas aparecen, será necesario que o participante no concurso obteña o consentimento do interesado para a súa publicación. Europe Direct A Coruña e Europe Direct Lugo quedan exentos de calquera responsabilidade.



## 5. Formato e tamaño

A técnica de realización será libre. As fotografías deberán enviarse en formato JPG, cunha resolución mínima de 300 píxeles.

## 6. Presentación das fotografías

As fotografías deberán enviarse ao correo electrónico [ciudadanoseuropeosengalicia@gmail.com](mailto:ciudadanoseuropeosengalicia@gmail.com). As fotografías serán subidas automaticamente á páxina de Facebook do concurso. No correo electrónico deberanse incluír os seguintes datos persoais do participante:

- Nome ou pseudónimo.
- Enderezo de correo electrónico.
- Localidade de residencia.
- Título e descrición da fotografía.
- Indicación do centro Europe Direct (Europe Direct A Coruña, Europe Direct Lugo) ao que presenta a súa fotografía.

## 7. Prazo de presentación

Poderás participar **desde o 09/05/2019 ata o 11/06/2019 ata as 14.00h.**

Non serán válidas en ningún caso as fotografías recibidas antes ou despois deste prazo, así como as que non cumpran todos os requisitos do concurso. Igualmente non serán válidas as participacións correspondentes a perfís fraudulentos.

## 8. Valoración e xurado

O xurado estará composto por 5 persoas: dous representantes de cada Europe Direct organizador e un experto en fotografía.

Para a elección das obras gañadoras teranse en conta os seguintes criterios:

- Adecuación á temática.
- Calidade.
- Orixinalidade.
- Mensaxe transmitida.

Ademais, valorarase a mensaxe europea, a presentación artística e a aplicación pedagóxica do seu contido.



## 9. Colaboración e difusión do concurso

O Centro de Estudos e Documentación Europeos (CEDE) da Universidade de Santiago de Compostela colaborará na difusión deste concurso.

## 10. Data de publicación do gañador

Os nomes dos gañadores serán publicados na páxina web do concurso o **día 18 de xuño de 2019**.

Os gañadores deberán remitir a documentación requirida polos centros Europe Direct co obxectivo de comprobar que reúnen os requisitos esixidos para a participación no concurso. No caso de que non fora así, o gañador pasará a ser automaticamente o suplente 1 (elixido previamente polo xurado) e así sucesivamente.

## 11. Premios

Cada Europe Direct fará entrega de dous premios, haberá un total de 4 premios individuais para repartir. Os premios concederanse como figura a continuación:

- Europe Direct A Coruña:

1º Premio: 1 Cámara de fotos

2º Premio: 1 Tableta

- Europe Direct Lugo:

1º Premio: 1 Cámara de fotos

2º Premio: 1 Tableta

Cada participante deberá indicar no correo electrónico o centro Europe Direct ao que lle presenta a súa fotografía.

Aos autores das fotografías premiadas notificaráselles a súa condición de gañadores a través do enderezo de correo electrónico facilitado para efectos de comunicacións.

Os organizadores resérvanse o dereito a substituír os premios por outros de igual ou maior valor se algún ou todos os premios sinalados non estivesen dispoñibles por calquera motivo.

Os gañadores poderán renunciar ao premio, pero, en ningún caso, poderán trocalo por outro distinto nin polo seu importe en metálico.

## 12. Entrega de premios



A entrega de premios realizarase nun acto a partir da data de publicación dos gañadores. Informarase oportunamente aos gañadores do lugar e data exactos.

Os gañadores deberán recoller o premio persoalmente ou ben a través da persoa que designen.

Se non se consegue contactar cos gañadores nos 3 días hábiles posteriores á comunicación, o gañador pasará a ser automaticamente o suplente 1 (elixido previamente polo xurado) e así sucesivamente.



## **Cláusulas específicas**

### *Aceptación das bases*

A participación no concurso supón a aceptación expresa e sen reservas do participante das bases do concurso, así como do clausulado.

O incumprimento de calquera destas bases por parte do participante, determinará a súa inmediata descualificación.

O fallo do xurado será inapelable, e a el competará a resolución de cantas dúbidas puidesen exporse na interpretación das bases do concurso.

### *Sobre as imaxes*

As imaxes non poden ser actos publicitarios nin servir como medio para publicitar produtos e/ou servizos propios do participante ou de terceiros. As imaxes deben respectar a imaxe de calquera persoa física ou xurídica, incluídas persoas anónimas, famosos, entidades, institucións, organismos e/ou empresas, incluídas as súas marcas e signos distintivos.

Serán excluídas todas as imaxes das que o participante non sexa o autor, lesionen dereitos de terceiros, ou cuxo contido sexa abusivo, obsceno, vulgar, violento, racista, sexista, ameazante, contraveña os bos costumes, vulnere algún dereito fundamental da persoa, infrinxa dereitos de terceiros ou calquera disposición legal en vigor.

O participante garante que a obra é orixinal e inédita e non se acha suxeita a contratos, cesións ou licenzas a terceiros de dereitos de autor ou de propiedade intelectual ou doutros dereitos. Igualmente, o participante garante que a súa foto está libre de calquera gravame ou carga e que non infrinxe dereitos de terceiros.

As fotos deberán ser da propiedade do autor. En caso de detectar un uso fraudulento, os organizadores resérvanse a facultade de descartar a súa participación no presente concurso.

### *Publicidade*

Excepto en casos nos que estea prohibido, a participación no Concurso constitúe o consentimento dos gañadores a que os Europe Direct organizadores e os seus axentes utilicen os datos dos gañadores, tales como o nome, apelidos, gustos, fotografía, voz, opcións e/ou correo electrónico e enderezo postal, para fins promocionais en calquera medio, a nivel mundial, sen que exista pago ou contraprestación ningunha. Os gañadores serán identificados da seguinte forma para protexer a súa privacidade: nome e iniciais dos apelidos.

### *Requisitos xerais*

Os Europe Direct organizadores resérvanse o dereito de cancelar, suspender e/ou modificar o Concurso, en todo ou en parte, en caso de fraude, fallos técnicos, ou de que calquera outro factor máis aló do control razoable aos Europe Direct que impida a integridade ou o funcionamento adecuado do Concurso, a xuízo dos organizadores. Así mesmo, resérvase o dereito de descualificar a calquera persoa que manipule, ao seu entender, o proceso de participación ou o funcionamento do Concurso ou actúe en violación do presente clausulado. Calquera intento de impedir de maneira deliberada o funcionamento lexítimo do Concurso poderá significar unha violación do dereito penal e civil, e no caso de que esta vulneración tivese lugar, os Europe Direct organizadores resérvanse o dereito de reclamación de danos por parte de calquera persoa na medida permitida pola lei. O feito de que os Europe Direct organizadores incumpran con algún dos termos do presente clausulado, non comportará a renuncia a esta disposición.

### *Limitación de responsabilidade*

Na maior medida posible admitida por lei e sen afectar de maneira negativa a ningún dos dereitos irrenunciáveis, as Partes Exoneradas non se farán responsables de:

(1) información incorrecta ou imprecisa, xa sexa causada polos participantes, erros de impresión ou por calquera dos programas ou equipos asociados a ou utilizados no Concurso; (2) fallos técnicos de calquera tipo, incluídos a modo enunciativo que non limitativo, funcionamento inadecuado, interrupcións, desconexións en liñas telefónicas e hardware ou software de rede; (3) intervención humana non



autorizada en calquera momento ao longo da partición ou o Concurso; (4) erros técnicos ou humanos que puidesen darse na xestión do Concurso ou tratamento dos participantes; (5) calquera envío que sexa recibido tarde, pérdase, estráguese ou sexa roubado; ou (6) calquera dano a persoas ou bens que puidese ser causado, directa ou indirectamente, en todo ou en parte, pola participación de candidatos no Concurso ou a recepción do premio ou o uso debido ou indebido deste. Se, por calquera motivo, confirmase que unha solicitude dun participante foi eliminada por erro, perda ou destruída de calquera outro modo ou devíñese corrupta, a única solución para o participante é a de solicitar novamente a participación no Concurso, coa condición de que, se non fose posible ofrecerlle unha nova participación debido a discontinuidade do Concurso, ou dalgunha parte desta, por calquera motivo, os Europe Direct organizadores poderán elixir, á súa discreción, entre todas as solicitudes recibidas ata a data de discontinuidade dun ou todos os premios ofrecidos no presente Concurso. Non se concederán máis premios dos establecidos.

#### *Propiedade intelectual*

Os Europe Direct organizadores resérvanse o dereito a publicar as fotografías, citando sempre o autor desta, así como o resultado do concurso, na súa páxina web, redes sociais, etc.

O participante manifesta e garante aos Europe Direct organizadores que é o único titular de todos os dereitos de autor da fotografía coa que participe no Concurso, manifestando que sobre estes non ten contraídos nin contraerá compromisos ou gravames de ningunha especie que atenten contra os dereitos que aos Europe Direct organizadores ou a terceiros lles correspondan. Para este respecto, o participante faise responsable fronte aos Europe Direct organizadores de todas as cargas pecuniarias que puidesen derivarse para os Europe Direct organizadores a favor de terceiros con motivo de accións, reclamacións ou conflitos derivados do incumprimento destas obrigacións por parte do participante. No caso de que aparezan persoas recoñecibles na fotografía, o participante autoriza expresamente aos Europe Direct organizadores ao uso da imaxe cos exclusivos fins establecidos no presente Concurso.

A participación no concurso comporta a cesión por parte dos finalistas e os gañadores a favor dos dereitos de reprodución, distribución, comunicación pública e transformación sobre as obras fotográficas, sen que se xere a favor do autor nin de ningún terceiro dereito a retribución ningunha.

#### *Protección de datos*

Os datos dos participantes trataranse conforme as disposicións do Regulamento (UE) 2016/679 do Parlamento Europeo e o Consello, do 27 de abril de 2016, relativo á protección das persoas físicas no que respecta ao tratamento dos seus datos persoais e á libre circulación destes datos, e da Lei Orgánica 3/2018, do 5 de decembro, de protección de datos persoais e garantía dos dereitos dixitais.

A indicación dos datos persoais dos gañadores terá carácter obrigatorio para a xestión do premio. Calquera comunicación falsa ou incompleta dos datos persoais daralle dereito aos organizadores do presente concurso a descualificar o gañador.

Estes datos serán tratados de forma confidencial e só poderán ser cedidos nos casos contemplados na lei. Para o exercicio dos dereitos de acceso, rectificación, supresión, oposición, limitación ao tratamento e portabilidade dos datos, os interesados poderán dirixirse a:

Deputación da Coruña: por correo postal, en Avenida Porto da Coruña, 2, 15003 A Coruña, ou por correo electrónico a [delegadodeprotecciondedatos@dacoruna.gal](mailto:delegadodeprotecciondedatos@dacoruna.gal).

Europe Direct Lugo – Concello de Lugo, Avda. da Coruña 500, 27003- Lugo, indicando “Concurso Cidadáns Europeos en Galicia” e achegando en todo caso, fotocopia do DNI ou documento equivalente válido en dereito que permita acreditar a súa identidade.